



ᑕᑭᑦᓂᑦᓱᑦ ᑕᑦᓱᑦᓂᑦ  
Building *Nunavut* Together  
*Nunavut* liuqatigiingniq  
Bâtir le *Nunavut* ensemble

## Nunakkut Niruarnikkut Nunallaami Miitirniq – Ausuittuq

March 17, 2016

Miitiriaqtuqhimayut: 34

Atauttikkut Inuktitut uqaqtiuyuuq: Jimmy Qappik.

### Nunalingni Kavamatkunillu Pivkhaqautikkut Havaktiit:

- Ikayuqti Tukliq Minista, Darren Flynn
- Nunani Ihumaliuqti, Alecia Boddie
- Nunani Aulapkaiyi, Nathaniel Joanasie
- Nunallaani Ihumaliuqti, William Patch
- Atugakhanik Naunaiyaiyi/Tuhagakhaliriyi, Kris Mullaly

### Naunaiyaqhimayut miitirutikhat:

Naunaiyainiq:

Miyya, tunngahuktittiniq ilaunyuk, angmaqtiruti tukhiarut, naunaiyarniit katimayiinnik

Angmaqtirutit uqaustiit, naunaiyarniq CGS-kut havaktiinnik Darren Flynn-min

Pipkaiyuq qunngiaqtakhamik taimaninlu naunaitkutainnik kingulliqpaamin niruarnirmin, c. 1995, taamna pitjutiqaqtuq “qinngihimanikkut niruarnirmik”, aallaniklu, uumannga Alecia Boddie-min

### Apirhuutit (Darren Flynn kiuvaktait taapkuangungittut kihimi naunaiyaqhimayut):

#### Nunamik nanminiqarhuta akiliqtuqhugu atuqpaktaqut nuna 25-nun ukiununi – qanurilivakpa pilimaitkuvit niuviriami nunamik inirnighauyutilluunniit niuvirumangittutillu nunamik iglungni?

Nanminiqarhutit iglungnik, akiliqtuqhugu atuqpaknikkut piqariirhimayutit; taimaittuulluat 30-nik ukiuqaqtut akilqtuqhugu atuqpagutit. Nakuuyumik pitjutiqaruvit, akiliqtuqhugu atuqpakniit kaantraanguyuuq ilingni haamlatkunnilu. Piqaqqat angiqhimayumik niruarnirmik, nakuuyumik pitjutiqaruvit uvani tahamaniittumi akiliqtuqhugu atuqpaknirni, haamlatkut pipkaqtillimaittaatit ilvit akiliqtuqhugu atuqtiuplutit niuviqtitlutit nunamik.

## **Nayurhimmaarumayat tunngavigiyat kihimi ayurhaliqpaktutit akiliqtuiyaami, qanuriliurniaqqa?**

Taimaatun ilaa, kaantraaqaqtuq tahamani. Inuk ayurhaqpat akiliqtuiyaamik akiliqtuqnikkut aturutimiknik, takuyaqtuktukhat haamlatkunnik ihuarhailunilu akiliqtuiffaarutikhakkut hivunighamik. Imaittut aallangulimaittut qanurilingalirutainnin uumanga niruarnirmin, pitquyauniaqtutit akiliqtuilutit aturutimik uumingaluunniit nunakkut nanminiriyauyumik piqaqqat imannaq niruarnirmik umingaluunniit angiqhimayumik niruarnirmik.

## **Nappaqtiraptigut iglukput, piqangittuq nunakkut qauyiharnirmik. Tatja, uqautiyauyunga nappaqtittunga qaniklivallaarhugu apqut. Nuutiqtukhaugupku igluga, kinaup akiliqtakhaa?**

Nunallaani qakunguraangat, taapkualluanilu ataani utuqqani Igluni-nanminiriyauyukhani Ikayuutini Pinahuarutimi (ataani Nunatsiap Kavamangani), igluit nappaqtitqauhimagut aallangayumi tunngavikhakkut hivunighami talvanga atuqtauliqtunin uplumi. Ihuangittuq nuutiriami iglumik, taimaatu havaqaginiaqtavut haamlatkut tunngavik qauyihaqtiffaaqtitauluni. Piqaruvit tunngavikmik maligutiqtangittuq tatja, aulahimmaarniaqtutit akiliqtuilutit atuqlugu taamna tunngavik.

## **Talvuunakkut, akiliqtuihimmaaqtakhara akiliqtuiluni aturutiga utaqqitillunga?**

Hii. Ilvit tahamaniittutit nunami atuqhimmaarhimayallu nuna, taimaatut niriuktauyutit akiliriaqaqtat aturniit nunamik. Nakuutqiyauyuq uqaqatigigupkit haamlatkut kituni qanurinninginni tunngavikni.

## **Hivuagut niruarvighaqaqqat?**

Hii piqarniaqtuq hivuagut niruarighanik 12-min qitiqqupat uvunga 7-mun unnuummaat upluq tamaat talvannga April 25-min uvunga May 5-mun. Piqarniaqtuqlu Ingilrayumik niruarvikhamik talvannga 9-min uplaami uvunga 11:30-mun uplaami uvani May 2-mi. Niruarvikhami uplumi, May 9, 2016, niruarvikhat angmarniaqtut 9-min uplaami uvunga 7-mun unnuummaat.

Niruariami imaa ittukhauyutit: Kanadamiutaulutit, 18-nik ukiuqaqlutit avatquhimayunikluunniit talvuuna May 9, 2016-kut, nunagilugu Nunavut ikitqiyaanun kikliqarluni atauhirmik ukiumik niruarnarhikpat, nunagiyakhat nunallaaq niruarvigiyat uvani May 9, 2016-mi.